

اعتصام

۳ رجب الفرد سنه ۱۳۳۸

۲۵ مارت سنه ۱۳۳۶

{ منافع عامه بنادم مجموعہ اسلامیه در }

مفتی حاجی مصطفی

اسلامیئہ خلافت

وقت غزنہ سندن

آورو پادہ طلاق و تاهل

محمد فیضی

مدرسہ لہر حقنندہ بر قاج سوز

طاہر المولوی

بخارادہ علم و علما

احمد شیرانی

دیوان حرب حاطره لری — نالہ فراق

محمد فوزی

ایمان نہور ؟

فیثان (۵) غروشدر

ادارہ خانہ می : قلم — اعتصام

صاحب امتیاز
احمد شیرانی



اعتصام

مدیر مسئول
احمد شیرانی



۶۹ — عدد

واعتصموا

۲ — سنہ

۳ رجب الفرد
سنہ ۱۳۳۸

{ ہر پچشنبہ کوئی نشر اول نور }

۲۵ مارٹ
سنہ ۱۳۳۶

اسلامیتہ خلافت

دنیا و سیاست اہمیت مخصوصہ فوق العادہ بی حائز اولان بومثلہ مہمہ نك شو
کونلرده نہ درجہ اہمیت و نزاکت کسب ایلدیکی بیان و ایضاحدن مستغنیدر .
بوخصوصہ اجلہ فکر و قلم ایدن بوتون ارباب فضیلت و حیثیتہ مقصد و غایہ
اعتباریلہ همفکر اولدیغمزده بی اشتباهدر .

بنام علیہ وجلہ نك مقصودی براما روایت مختلفہ مصرع مشہوری مضمونجه
مطلوبہ موصل اولان یوللرک مختلف اولمسنہ رغماً اساس و غایہده همفکر بولندیغمز
ذوانہ وبالخاصہ ارباب دیانت و فضیلتہ قارشی برتعریض و تعرض ویا سوزلری تنقید
و تزییف هوس و امانندن تماماً آزادہ اولق اوزره بوخصوصہده کی افکار و مطالعات
عاجزانہ می بروجه زیر عرض ایدرم .

شویله که : جناب حق عادل و مطلق جل و علا سبحانہ و تعالیٰ حضرتلری —
ملوک و ملائک دخی داخل اولدینی حالده — بوتون کائناتک خالق و مالک مطلقیدر .
انسانلرک کرۂ ارض اوزرنده کی ملک و تصرفلری ایسه عارضی و فانی اولدینی
کبی صوری و مجازیدر .

جناب حقہ نسبتله انسانلرک ملک ظاہریلرنده کی تصرفاتی مستأجرک ایجارخانہده

و مستعيرك دارينده و اصحاب اراضينك رقبه و ملكيتلى بيت الماله حائد اولان اراضى اميره ده تصرفلى كيدر كه بونلرك رقبه و ملكيتلى مالكنه حائد اولوب مالكي ملكنده كيف مایشاء تصرف اوله جى كى ذى البدرلك تصرفانى دخی مالكي طرفندن برطاقم قبول و شروطله مشروط اولور .

شو اساساته مبنی جناب حق جل و علا حضرتلى مالكي و حاكيت مطلقه سی اعتباريله بوتون كائناتی — كيف مایشاء مفهوم عموميسنك انواع ممكنه سندن — هر هانكي سفت و صورتله اراده بيورورسه او صورتله اداره ايدم جى آشكار اولمغله اشرف مخلوقات و مدنی الطبع اوله رق خلق و انجساد بيورومش اولدينى نوع نى بشرلك اداره سی ايكي وجهله تأمين بيورومشدر كه بونلردن برنجيشي تبليغ احكام شرعيه اولوب بوجهتى رسل كرام و انبياء عظام حضراتى واسطه لريله عبادينه تبليغ و تفهيم بيورومشدر . بورتبه رفيعة نبوت و رسالت مستقلا و منحصرأ جانب جليل اقدسدن انتخاب و اختيار بيوريان ذوات كرامه عطيه و موهبه الهيه اوله رق بخش و احسان بيوريلور . ايكنجيسى او احكام جليله شرعيه نك تنفيذى جهتيدركه بوكا اصطلاح شرع شريف انورده امامت كبرى و رياست عامه و ملكيت و حاكيت و سلطنت دخی تعبير اولنور . بوجهت بعضاً بالذات جانب جليل اقدسدن تعيين و انتخاب بيوريان ذواته توجه اولنور كه نص قرآنى ايله ثابت اولدينى و آتياً كله جى اوزره طاولوك من طرفاه نى اسرائيله ملك تعيينى كى... بعضاً دخی عباد طرفندن انتخاب و تعيين اولنور كه حضرت رسول اكرم نى معظم صلى اه تعالى عليه وسلم افنديمز حضرتلرينك تشريف داربقا بيورومريله حضرت ابوبكر الصديق رضى اه تعالى عنهك اصحاب كرام طرفندن و آندنصوكره الى يومنا هذا كلن بالعموم ائمة مسلمينك ارباب حل و عقد طرفندن انتخاب و تعيينلى كى .

نتكيم حضرت رسول اكرم صلى اه تعالى عليه وسلم افنديمز تشريف داربقا بيوردقلرنده برخليفه تعيين ايتيوب امتنه توديع بيورومريله مسائل معتقده اهل سنت و جاعتدن اولان (نصب الامام علينا واجب سمعاً) قضيه سی ده بومعنائى مؤيدور . و حضرت رسول اكرم افنديمز صلى اه تعالى عليه وسلم ك امامتى دخی و ان الذين يبايعونك نظم جليل مقتضاسنجه بوقيلدن اولدينى اكلاشيلور .

بوند و سوکره شونی عرض ایدم که بوا یکی صفت جلیله بعضاً بر ذاته تودیع
بیوریلور که سیدنا داود و سلیمان علیهما السلام حضراننده اولدینی کی... بعضاً ده
نبوت برذاته و حاکمیت دخی بشقه برذاته تفویض بیوریلور که استعیز باه و الم تر الى
الملائین فی اسرائیل... نظم جلیلنده بیان بیورلدینی اوزره انبیاء فی اسرائیلدن حضرت
یوشع و یاشمعون و یاشمویل علیهم السلام دن برینک زمان نبوتنده امامت کبری که
ملکیت و سلطنت حضرت طالوت من قبل الرحمن توجیه بیورلمشدی. کتب تفاسیرده
مذکور اولدینی اوزره بی اسرائیل زماننده اکثریا بوصورته واقع اولوردی که
نبوت لاوی بن یعقوب اولادینه و ملک ایسه یهوذا اولادینه تودیع بیوریلوردی.
و یالکیز طالوت بوعمو مدن مستثنی اوله رق بنیامین اولادندن ایدی.

ایشته سیدنا حضرت عیسی ابن مریم علیه السلام افندیز بوقیلدن اولان رسل
کرام و انبیاء عظام علیهم الصلوة والسلام حضراننددر که ذات علیاری نبوت و رسالت
رتبه رفیعہ لرله مشرف و ملطف اولدینی حالده حاکمیت و ملکیت و وظیفه سیله موظف
و مکلف دکل ایدی. آنکچوندر که قیصره عائد اولانی قیصره و یرک دیو امر
و تبلیغ حکم الهی ایدیور ایدی. وینه آنکچوندر که دساتیر خرسیتانیده مشهور
و زبازد اولدینی اوزره (بر یوزینه توقات اورانه دیگر یوزینده چور) صورتنده
اولان امر محویشکارانه سیله امر و تبلیغ احکام آله ایدیور ایدی.

اما بزم پیغمبری سیدنا حضرت محمد مصطفی صلی الله علیه و سلم افندیز
ایسه رتبه مقدسه رسالت و نبوته مشرف اولدینی کی تنفیذ احکام جلیله شرعیه
ایله دخی موظف و مکلف ایدی. آنکچوندر که حضرت عیسی علیه السلام
قیصره عائد اولانی قیصره و یرک امرینه مقابل وخذ من اموالهم صدقه... نظم
جلیلی مقتضاسنجه مأمور اولدینی رسوم شرعییه بالذات اخذاید و ایستدیرر و ایجاب
ایدن محللره صرف ایدر و ایستدیرردی. وینه حضرت عیسی علیه السلام ک امر
محویشکارانه سنه مقابل و فن اعتدی علیکم فاعتدوا... امر جلیلی مقتضاسنجه مقابله بالمثل
ولدی ایجاب و جاهد الکفار و المنافقین و اغلظ علیهم قول جلیلیله جهاده و تغلیظه
مأذون اولدینی کی و عاف عنهم و اصفح امثال آیات یناته امتثالاً عفو ایله ده مأمور

و متصف ایدی . ایسته آنکچوندرکه آنک خلیفه ذیشانی اولان سیدنا حضرت ابی بکر الصدیق رضی الله تعالی عنه زمان خلافتنده جفان عربدن بعضیلری زکوانی و یرمه مک ایستدکارنده حضرت ابی بکر افندیمز حضرت پیغمبره وردکاری رسوم شرعیه که زکاتدن بردومک ایاغنی باغلیه جق برایی و یرمز لرسه بیله مقاتله ایدرم بیوردیلر و اظهار شوکت و جلالتله امر جلیل حکومته سرفرو ایتمک عسائی مجبور ایستدیلر .

ایسته اسلامیتده خلافت دیمک حضرت ابوبکر الصدیق و خلفاء راشدین زمانلارنده اولدینی کی بوتون امور دینی و دنیوییه اداره ایتمک دیمکدرکه بناء علیه وظیفه خلافتک سلطنتیمز ایفاسی ممکن اولمیه جینی و اسلامیتده خلافتله سلطنتک آیری آیری شیار اولمدینی آشکار اولور .

بونسلکه برابر بوتون مسلمانلرک موظف و مکلف اولوب تقدیس و تحجیل ایلدیلری فرائض دینی و شمائر اسلامیه دن جمعه و بارام نمازلرینک شرائط سختدن بریمی ده ذی شوکت و سطوت بر پادشاهک اذینله ادا اولمقدور . اکر اذن سلطان اولمزه جمعه و بارام نمازلریمز صحیح اولماز . شوکت و سطوتدن خالی بر خلیفه نک وجود و عدمی نظر شرع شریف انورده مساویدر . بناء علیه خلافتله سلطنتک عیر قابل تفریق اولدینی بونسلکه ده ناستدر .

آقشهر مفتیسی

خر بوتلی زاده حاجی مصطفی

آوروپاده طلاق و تاهل

۱۶ مارت ۱۳۴۶ تاریخلی (وقت) غرته سندن :

آوروپاده و آسریقاده طلاقلر چوغالبور . طلاق تجویز ایدن یکی اجتماعی سبیلر . اسکی روما و انکلترا ده کی عادتله . تولدانی تزید ایچون دوشونولن چاره لر . فرانسه ده بکارل و برکوسی . چوق چوجوقلی بریدرک بوخصوصده کی مطالعه سی

آوروپالیلر اوتودن بری مسلمانلقدن بحث ایدرلرکن دینخزده طلاقه مساعه بولونماسی بر نوع قصور کی کوسترلردی . فی الحقیقه خریستیانلق طلاق بالکلیه منع ایتمه مش ایسه ده اسبابی صوکه درجه ده تحدید ایتمشدر . حال بوکه صوکه سنلر